

海軍歷史鈔序

予老友勝海舟翁向者著海軍歷史詳悉本邦海軍所由起國家有用之書也會清國遊歷官兵部正郎傅雲龍奉諭來我國知余與海舟交善就余求此書余請公翁贈一部傅氏德之囑星使者黎菴齋寄送日本圖經謝翁既而聞清廷譯為漢文以上奏翁之書行于天下可知也今夏水師提督丁禹廷率北洋諸艦始來江戶先訪海舟共談東洋大局所得互多亞洲風氣漸將一變安知無非警為振起兩國之基乎余識海舟在戊辰年時東西交兵天下騷擾海舟曰甚哉同族相食此固因不知宇內之大勢故耳方今天下之憂不在區區蝸牛之爭示余以海軍詩一讀信公翁為偉人而後把臂往來二十餘年如一日悉公翁平生公翁之著述豈獨海軍歷史哉如其經世諸書吹塵錄亦足以見公翁所蘊書肆大橋佐平來謁余序仍記一言云爾